

Amasambililo
Ayakwambilapo pafyamuli
Baibele pabwikalo bwakuba
abaisulamo naMupashi
waMushilo nookuba
Uwakatiina

Copyright © 2022 Charles Shaver

Ici icitabo ati *Basic Bibles Studies for the Spirit-Filled and Sanctified Life* (Amasambililo Ayakwambilapo pafyamuli Baibele Pabwikalo Bwakuba Abaisulamo naMupashi waMushilo Nookuba Uwakatiina) caapekanishiwe kuli ba Charles Shaver. Icitabo caalicingililwa kumafunde ayapesonde. Kuti wakopololako ukwabula ukulipila nga ulefwaya ukuboomfyako palwobefye. Lelo pakuboomfyako kumilimo imbi iili yonse, kano mwapoka insambu kumwiine walembele icitabo.

AMalembo Yamushilo yoonse yamuli Baibale Ishiwi Lyakwa Lesa ILL15.

Ifyo mwingaboomfya aya amasambililo

Cila isambililo ilikonkelepo pafya masambililo ayamuli Baibele, lili nameepusho ayaanguka pakuti ukwampana na Kristu cingashikilako. Belenga ilipusho, elyo umone ubwasuko muli Baibele yoobe. Palya wasanga ati Yoani 1:12, ekweba ati Icitabo cakwe Yoani, Ichipandwa 1, amashiwi 12. Umutande wafili mucitabo kuntanshi ya Baibele yoobe, emutantiko wamanambala ayamabuula aapaambila cila icitabo muli Baibele. Sanga ubwasuko muli Baibele, elyo ulembe mumashiwi yoobe wemwine.

Bailele baaliipilibula munsoselo ishing, elyo insoselo shine muli cila Baibele, shaalipusanako. Walinga ukusunga kumutwe amashiwi ayali muli Baibele iyo umfwile bwino, nga Baibele iyo ukwete niimbi.

Usembulule nangula ukopolole amashiwi ayakusunga kumutwe pakuti cikwafwilishako ukuyasunga kumutwe. Uyasende, nangula uyakambatike pacilola. Kuti waboomfya akalipepala ako usembulwile ukuba icishibilo icapebuula. Ubuyo bwaciko kuuba nayo apeepe pakuti cila nshita waloleshapo, kuti uleepituluka mumashiwi.

Ifyebo fyakwe uwakubomba naankwe mubusambi

Twamitotela pakwafwilishako umusambi ukupwa aya amasambililo ayakonkana. Icalinga ukubako niici, iwe noomusambi mwaakulakumana limo mumulungu nookupituluka mumasambililo. Nga kuti cacitika, sunga amasambililo yoonse pakutika ati ena aleeboombela pali isambililo limo panshita ilyo tamulakumana. Ukupwa isambililo limo cila mulungu ecafwilishako ukwishiba ati isambililo lilelondoloka kumusambi ukwabula ukumufinina.

Naupokelela Yesu Kristu ukuba Umupusushi obe nookuba Imfumu yoobe, elyo ulamukonka cila bushiku. Ulesambilila ukulaasambilila ifyamuli Baibele nookupepa. Kuti wafwaya ukwishibako nafiimbi ifyapali Mupashi waMushilo. Ili isambililo lyakukwafwilishako wishibe Mupashi waMushilo ninani neefyo ali nookuboomba mubwikalo boobe.

1. Ezekiele aalisobela ubushiku ubo Mupashi wakwe Lesa akaboomba mubantu. be Bushe nicinshi ico Mupashi engakucitilako? (Ezekiele 36:26-27)

2. Yesu aali nookutanikwa palupanda. Ekweba ati aali nookusha abasambi bakwe ku mubili (Yoani 14:1-4). Ninani ukesa mukuba mucifulo chakwe Kristu? (Yoani 14:16-17)

3. Fintu nshi ifyo Kristu aabika apakukanya pokelela Mupashi waMushilo? (Yoani 14:17)

4. Fintu nshi ifyo Mupashi waMushilo acita mu Yoani 15:26?

Fintu nshi ifyo abasambi bakwe Kristu baleenekelwa ukucita ukukonkanyapo? (Yoani 15:27)

5. Mulimo nshi uwaibela uo Mupashi waMushilo ali nookubomba pesonde? (Yoani 16:8-11)

Londolola ulwa nshita iyo Mupashi aakushiniine noomulandu.

6. Mulimo nshi uwaibela uo Mupashi ali nookuboomba mubasambi? (Yoani 16:13-14)

Londolola ulwa nshita iyo Mupashi aakutungulwile.

7. James Moffat aliipilibula Yoani 14:16, ati, “ukukupeela kafwa naumbi.” Belenga amashiwi yoonse ayakonkelepo, elyo ulondolole ifyo Mupashi aakwafwilishako.

a. Roma 8:26

- b. Imilimo 1:8 _____
- c. Imilimo 4:31 _____
- d. 2 Petelo 1:21 _____
- e. Roma 8:16 _____
- Londolola ulwa nshita iyo Mupashi aakwafwilisheko. _____

8. Abena Kristu baciine boonse shino nshiku baalikwata Mupashi waMushilo, ukulingana nefyo baleemba ku Roma 8:9b. Kwampana kwamusango nshi ukwalinga ukubapo na Lesa? (Efeso 3:16, 19) _____
9. Nibaani balimo pakupongololwa nangula pakupeela Mupashi waMushilo kubasambi abakwambilapo? (Imilimo 2:32-33) _____
10. Lishiwi nshi ilyo baaboomfya pakulondolola ukuba kwakwe Lesa mu 1 Petelo 1:15-16? _____
- Bushe ubwikalo bwamushilo bumoneka shani? _____
11. Mulimo nshi uo Mupashi waMushilo acita uulenga iwe ube uwashila (uwakatiina, uwasangululwa, uwashishiwa)? (1 Petelo 1:2) _____
12. Mu Roma 8:9 Mupashi waMushilo baalimulumbula ati ni Mupashi wakwa Lesa. Lishina nshi naliimbi ilyo beta Mupashi? _____
- Mukutontonkanya koobe, niinshi bamulumbwila ifyo? _____
13. Ukulingana neefyo usambiliile muli ili isambililo, kuti walanda ati Mupashi waMushilo ninani? _____
14. Nikwisa uko Mupashi waMushilo afwaya ukwikala shino nshiku? (1 Kolinti 3:16) _____

15. Rees Howell, muntuuntu fye uwaku Wales (uwaliko pamyaka 1879–1950), uwatendeeke Bible College iya ku Wales, aali umuntu uwamapepo. Pakuba alipokelela Kristu nookufyalwa kuli Mupashi, aali nobumbone ubwakukumana na Mupashi waMushilo umwashika:

Aanjebele ati, “Pakuba Umupususshi uwakwata umubili, eifyo njikala mu itempele ilyasangululwa ilyamuntu uwacetekela. Ine ndi muntu. Ndi Lesa, elyo ninjisa nati umpeelee umubili oobe pakuti mmombe ukupitila muli wena. Mfwile ukukwata umubili ube itempele lyandi (1 Kolinti 6:19).

. . . Ekweba ati ukuba kwandi koonse ukwakaana pwilika, kwali nokuya ku Capindama, pakuti ena engaletelamo ubumi bwakwe umwine nookuba kwakwe ukwapwililika.”

(Norman Grubb, *Rees Howell, Intercessor* (Rees Howell, Uupapatilako) Fort Washington, Pa.: Christian Literature Crusade, 1952)

16. Buukombe nshi bukalamba kuli iwe ubuli muli ubu ubumbone? _____

Nautunganyako fimo pali Mupashi waMushilo. Mupashi waMushilo ni Kafwa. Aleefwaya ukukwafwilishako. Mupashi waMushilo ni Mupashi wakwe Kristu. Aleefwaya ati ube nga filya aaba Yesu. Mupashi waMushilo ni Lesa. Alikwata amaka ayakucita ifyo engafwaya.

Baibele, sana fye mu Citabo ca Imilimo, emo wingasanga ifyakukwebako pali Mupashi waMushilo neemilimo yakwe. Kuti wafwaya ukulaabelengako icipandwa cimo cila bushiku mu citabo ca Imilimo pamo naaya amasambililo. Cila ili isambililo pafya masambililo ayamuli Baibele muli emepusho aya mu Imilimo namo namufitabo nafimbi ifyamuli Baibele.

Pano nomba ukuba kwakwe Mupashi wamushilo nakukulondolokelako. Nangu niifyo, kucili nafimbi ifingi ifyo ulingile ukusanga pafyo aafwaya ati acite mubwikalo boobe. Bushe nauipekanya ukuti usambilileko nafiimbi?

Amashiwi Ayakusunga Kumutwe

Ine nkalomba Tata, nao akamupeelee kafwa umbi, uo mukalaba nankwe lyonse pe. Ni Mupashi wacishinka. Abantu ba pano calo balifilwa ukumpokelela, pantu tabamumona nelyo ukumwishiba. Nomba imwe mwalimwishiba, ico mwaba nankwe kabili akaba muli imwe. (Yoani 14:16–17).

Ubwikalo bwabwina Kristu kuti bwabako fye nga umuntu “aalifyalwa kuli Mupashi” (Yoani 3:5, 8). Umwina Kristu uuli oonse aalikwata Mupashi waMushilo. Natutwalilikepo ukubebeta ici icabupe icakuli Lesa.

1. Belenga Yoani 3:1–15.

a. Ciifulo nshi akwete Nikodemo pafyamipepele? (Yoani 3:1–2) _____

b. Cintu nshi ico Yesu aeba ecinoono fye icifwaikwa pakuti umuntu engaba mubufumu bwakwe Lesa (mubuteko bwakwe Lesa)? (Yoani 3:3) _____

c. Bushe “ukufyalwa kuli Mupashi” calinganya naanshi, elyo, pantu shani? (Yoani 3:8) _____

d. Ni cinshi waalinga ukucita pakuti wingakwata ukufyalwa kwamupashi? (Yoani 3:15 na 1:12) _____

e. Ukufyalwa cipya cipya ekuba noobwikalo ubupya. Bushe ubwikalo boobe muli Mupashi bwaaluka shani muli iyi misango?

(1) Mukutemwa? _____

(2) Mukunakila Lesa? _____

(3) Mukwampana nabanoobe? _____

(4) Mumibeele yoobe iyakumwenamo ububifi? _____

2. Mbila Nsuma iyakwe Yoane ilanda pafyakufyalwa kuli Mupashi nangula mukufyalwa cipya cipya. Nautwebako inshila ishingi isho Lesa akupangile ukuba umupya. Kuntanshi Mucipingo Icipya, Yoani aalilemba nakambi muli 1 Yoani nookutweba ifya nshila nashimbi ishakusokolwelamo ubwikalo boobe ubupya muli Kristu. Ninshila nshi isho shine?

a. 1 Yoani 4:7-8 _____

b. 1 Yoani 2:3 _____

c. 1 Yoani 5:4-5 na 4:4 _____

d. 1 Yoani 4:13 _____

e. 1 Yoani 5:18 _____

3. Niisa inshila pali ishi shonse iyo wingafwaila ubwafwilisho saana? _____

Niisa inshila pali ishi shonse iyo umfwa bwino saana? _____

4. Nga wacita ububifi, niinshi walinga ukucita? (1 Yoani 2:1-2) _____

5. Kuti waishiba shani ati uli mwana Lesa? (Roma 8:16) _____

Fyakumonekela shani ifyakwishiba ati uli mwana Lesa? _____

6. Fipampa nshi ifyakusoka ifyakwe Mupashi waMushilo ifyaba mu Efeso 4:29-32? _____

Nimunshila nshi ici iciine cingakwafwilishako ukwishiba bwino ifyo Mupashi waMushilo aaba? _____

7. Bushe Paulo aalondolola shani ukufyalwa kuli Mupashi mu Efeso 2:5, 8-10? _____

8. Lipepo nshi Paulo aapepela abena Kristu baku Efeso?
- a. Mu Efeso 3:16 _____

- b. Mu Efeso 3:19 _____

9. Kukoselesha nshi ucetekeelee ati ili ipepo kuti lyaasukwa mubwikalo boobe? (Ephesians 3:20-21) _____

10. Petelo alikaana Kristu lintu balemutanika. Ukufuma pakubuuka kubaafwa, Kristu alilaanda na Petelo (Yoani 21:15-22). Pantanshi cinshi caamoneke kuli Petelo icamupeelee amaka ayakuba intungulushi ya Lukuta Ulwakwambilapo? (Imilimo 1:8; 2:2-4; 4:8) _____

Bushininkisho nshi ubwamaka ubwali mukushimika kwakwe? (Imilimo 2:41) _____

Kuufwaisha nshi watala kwatapo ukwakufwaya amaka yamupashi? _____

11. Buulayo nshi ubwakwe Mupashi waMushilo ubo Petelo alaandile? (Imilimo 2:38-39) _____

Nicinshi icalinga ukwambilapo ukumoneka? (Imilimo 2:38) _____

12. Ico twingeta ati “ibumba ilyakwambilapo ilyabakangalila balukuta” lyasalilwe mu Imilimo 6:3. Mibeele nshi baakwete balya abasalilwe? _____

13. Kuti waishiba shani ati Kritu aaba muli iwe? (1 Yoani 3:24) _____

14. Charles Colson uwaali kafwa wa ba Richard Nixon abaali bakateka bacalo ca America kale, aliyebebelela bumpulamafunde pakusumina umulandu wa Watergate, elyo aalipingulilwe ukukakwa kucifungo. Elyo lintu aali mucifungo, alialuka ukuba umwina Kristu nookwambako

ukwalula imiboombele yafifungo. Uwatungulwile Colson kuli Kristu ni Tom Philips, uwaali umukalamba wakabungwe ka Raytheon Corporation. Ubumbone bwakwe Philips pali Colson bwaali ati:

Nshamoneke kwati nalikwetepo fimo ifyacindama. Fyonse fyali fye kunse. Ifintu fyonse ifyamubwikalo tafyafwa nga umuntu taaishiba apo fyashintilila.

. . .Ubushiku bumo naali kufyamakwebo ku New York lintu namwene Billy Graham aleeshimika kucibansa ca Madison Square Garden. Pakufwaisha ukwishiba nati limbi kuti nasangako amaasuko yamo, naaliyako. Fintu aalandile Graham bulya bushiku fyalengele njishibe fimo ifishalondolweke kale. Elyo naishiibe ico naleebulisha, ukwampana na Yesu Kristu umo naumo, iciine icakweba ati nshatala eba Yesu abe mubumi bwandi, nshatala ituula kuli wene. Palya pene nali ipela kuli wene—bulya bwine ubushiku kukulongana kwaliko ukwalekonkanyapo.

Naebele Kristu ukwingila mubumi bwandi, elyo naliumfwa ukubapo kwakwe kuli pamo naine. Umutende wakwe muli ine. Nalilwike Mupashi wakwe mumutima wandi. Elyo naimine nookuya mukwendako mumisebo ya New York. Nshatele temwapo umusumba wa New York, lelo pali ubu ubushiku, waamoneke uwawama nganshi. Naendele apatali. Fyonse fyamoneeke fimbi fye. Kwaleloka akafula namalaiti yamumusumba yalesanika kwati ni golidi. Kwaali icamoneeke kuli ine, elyo naliishiba.

(Charles Colson, *Born Again* (Ukufyalwa Cipya cipya), Tappan, N.J.: Fleming H. Revell, 1976.)

15. Nicinshi ubu ubumbone bukwebele? _____

Mupashi wakwe Lesa alaboomba muli iwe, nookulenga iwe wingeshiba Kristu. Ubumi ubupya ubwakwe Mupashi, ukubapo kwakwe, ukubebekesha, nookutungulula fyobe. Nomba limo limo kukesha amafya ayamumupashi, nangu fye kuli ifyo Mupashi ambile. Walinga ukwishiba bwino ifileemoneka nga wasambilila isambililo ilikonkelepo.

Amashiwi Ayakusunga Kumutwe

Abanakila amafunde yakwe kuti balendafye bwino inshita iionoko. Kanshi icalenga twishibe ati ekala muli ifwe, niici: Twaishibila pali Mupashi uo baatupeele(1 Yoani 3:24).

Ubumi boobe ubupya muli Kristu kuti bwatwalilikapo bwino panshiku shimo, lelo kulesa inshita lintu abena Kristu boonse basangwa kumafya, ifintu ifyakuteya mubulendo bwabwina Kiritu. Ifyo wingacita namaafya yene ecikankala pakuti wishibe imyendele yoobe na Kristu.

1. Nga abasambi bakwe Kristu baali shani mumupashi lintu takulaaba Pentekosti (lintu kwali ukupongolwelwa nookwisushiwa na Mupashi waMushilo)?
 - a. Luka 10:20 _____

 - b. Yoani 17:14 _____

2. Bwafya nshi wingamona mumibeele yabasambi?
 - a. Luka 9:53-54 _____

 - b. Luka 22:24 _____

3. Mibeele yamusango nshi iyo Yesu aleenekela mubasambi bakwe? (Luka 22:26)

4. Ciinshi ico Kristu asepela abasambi bakwe (naifwe) lintu ali aperi neempela yamulimo wakwe pesonde? (Yoani 17:17-20) _____

5. Belenga Galatia 5:13-26.
 - a. Bwafya nshi uwamumupashi nangula ukushomboka nshi ukwamonekele abena Kristu abaku Galatia? (Galatia 5:17) _____

 - b. Bushe umwina Kristu afikilisha shani ukweenekela kwakwe Lesa?
 - (1) Ciinshi icasondolwela amafunde? (Galatia 5:14) _____

 - (2) Fisabo nshi nangula ifyakusepa ifyo Mupashi atwala? (Galatia 5:22)

 - (3) Kwampana nshi kwaba muli iwe namaafunde? (Galatia 5:18) ____

c. Ciinshi calinga ukucita kukuba kwabubifi (nangula ati “ubuntunse”),
fintu bwapusana na Mupashi (Galatia 5:17), ukulingana na 5:24?

d. Kuti calola mwisa nga nga ukuba kwabubifi nangula “ubuntunse”
“baalibutanike” mubumi boobe? _____

6. Bumboni shi ubwaali uwakwe Paulo umwine? (Galatia 2:19–20) _____

Ciinshi calelama ubumi bwakwe? _____

7. Ninkama nshi iyabapo pakutwalilikapo ukulaacimfya? (Galatia 5:25)

Kuti cacitika shani mubwikalo boobe? _____

8. Nga abena Tesalonika baapelele pesa mufyamupashi? (1 Teslonika 1:4–10)

Bwafya nshi baakwete? (1 Teslonika 3:10 na 4:3) _____

Kanshi nomba, nifinshi aalebapepela Paulo? (1 Tesalonika 5:23–24) _____

9. Finshi Lesa afwaya abena Kristu ukucita? (Bahibulu 12:14) _____

10. Ciinshi cilenga ukucita ububifi? (Efeso 2:2–3) _____

Bwafwilisho nshi ubo wingasanga ku Yakobo 4:8 ubwingakwafwilishako
ici cintu ukukulondolokela? _____

11. Belenga Roma 6 nookufika kumpela ya 8.

a. Nifinshi ifyo Kristu aapayanya pali iwe? (Roma 6:6) _____

b. Tantika “Amafunde” yane ayo Paulo alondolola ku Roma 7:22–23.

(1) _____

(2) _____

(3) _____

(4) _____

c. Niinshi aacitile Paulo pakuti apwishe ubwafya bwakwe nookushomboka? (Roma 8:2)

12. Nangu Mupashi kuti akupususha “ku maka ya bubifi ne mfwa,” (Roma 8:2), nomba niinshi acita pabunake boobe? (Roma 8:26)

13. Kushomboka nshi kwaba ku Efeso 6:12–13, elyo kwapusanako shani noobulwi bwa Mupashi nabukaitemwe bwakuba koobe ubuli ku Galatia 5:17?

14. Bushe nawibukisha imibeele yabasambi ku Luka 9:53–54 na Luka 22:24 (ilipusho 2)? Nga pali bamo abasambi beene aba, baali shani mumupashi ku Imilimo 4:31? Miibeelenshi neemisango yabo baleelanga nomba? (Imilimo 4:32–35) _____

15. Sherwood Wirt aabombele umulimo wabukalemba wa *Decision Magazine* (Magazine lyakusala ifyakucita) kucipani cakwe Billy Graham. Nangu aali intungulushi mufya bwina Kristu, Wirt aaliyebelela pafyakushomboka kumutima mubwikalo bwakwe—elyo neefyakupwisha ubwafya ifyabu Lesa.

Cila bushiku mubwikalo bwandi kulaba ukwibukisha ifyakukale saana ifyo nashiika, ifileeta ifintu ifibi mumano ifyamoneeke mubulendo bwamubwikalo.

Pakupelebelala, nalepituluka mumilandile iyamubwikalo ubusuma iyo naumfwile nookwebako bambi.

“Muleeba abantu abasuma abelela bambi.” Ubwafya niubu, nshalelabako.

“Muleepwisha amafya. Nabaneenu.” Naleesha; nomba yaleebwekela.

“Muleewikishanya.” Naleecitefyo; nomba pakwishiba ububi bwalipo, nalebwekela kububi bwine.

“Muleefiposa muli bamba wakulaba.” Nomba nshaishibe bamba wine uwakufiposamo.

Kaale sana ilyo naaboomfeshela Imbila Nsuma kumweo wandi nemwine. Epo napilibwike nookulola kuli Baibele ati nsange ukwafwa. Muli kalata aalembela Paulo kubena Efeso, nasangileko amashiwi ati, “Mwilaaba abasashila ku banenu, muleke icipyu no bukali. Mwilaotokela muntu nelyo umo nangu ukumubepesha. Mwilapata muntu nelyo umo” [moneni ku 4:31].

Ine namwene ati ukucitefyo calingile bambi; ine teti.

Kuli Isaya 61, nabelengele ati, “Umupashi wa Mfumu Yawe waba pali ine . . . no kupeela kuli bena ingala yabusuma pa cifulo ca mito, amafuta yakusekelela pe punda lyakuloosha, bafwale no mwingila wakutasha, ukufuula umutima uwatondobala”.

Bushe kansi eebwasuko ubu— amafuta yakusekelela ayo Mupashi apeela? Ukusekelela eko nshakwete. . . .

Caamoneeke kuli ine kwati naali uwaiminina kumupaipi uukalamba saana mumatololo. Naleeumfwa amenshi mukati ayaleya ukutali; lelo amenshi yene tayaletalalika icilaka candi, elyo nshaishiibe ifyakusendelako amenshi yene.

Eico naloleele pali yawe elyo aliteele amatwi yakwe kuli ine. Aaliumfwa ukulila kwandi—apa nomba te kulililako bambi, lelo nine nemwine.

Iciine, amashiwi yaaliba ayaanguka ukulanda, elyo na Lesa aalishibefyo. Lelo lintu naamwebele nati nafumapo pacipuna cabufumu bwabwikalo bwandi (ekweba ati, ubwikalo bwandi ubwabwina Kristu); lintu nalandila ati ukuyumfwa kwandi nimbuposa nookubutwala mubunkole; lintu namwebele ati antanike, aalipokelela amashiwi yandi nookufikilisha ifyo namulombele.

Munshita yakwe umwine namukutemwa kwakwe ifyakupwisha ubwafya ifyabu Lesa muli uyu umutima uwacuula. Caali kwati ciikabilila cakasuba icile oca imitika yafubefube.

Nshishibe ifyo icitemwiko caingile muli ine, lelo njishibefye ati umutima uwakusashila bambi—nabonse abamulupwa—fyaliloba.

Icikonko—ubukalushi—ukufuilwa abankalifye—neefingi nafiimbi.

Fyoonse fyaliipwa. Fyaliikama. Fyaliya.

(Sherwood E. Wirt, *Afterglow* (Ukubeeke Ukushaliile), Grand Rapids: Zondervan Publishing House, 1976.)

16. Watontonkanyapo shani pali ubu ubumbone? _____

Lilya twafyalwa kuli Mupashi, calinga tucitepo fimo pakuba kwesu ukwabubifi. Baibele itila ati, kuti twatanika ukuba kwabubifi! Kuti twaishiba “ububifi bwaba muli ifwe ubwatuteka ubusha” (Roma 7:23). Lelo “amaka yakwa Mupashi uupeela umweo” (8:2) kuti yaatulubula.

Amashiwi Ayakusunga Kumutwe

Balya abakwe Kristu Yesu baalitanika ukuba kwabo ukwabubifi pamo nepamfya lyabuntunse no lunkumbwa lubi. Pakuba twaba aboomi kumaka ya Mupashi, tulingile ukulaenda pamo naMupashi (Galatia 5:24-25).

Lilya wasala ukutuula ubuumi boobe ukupwililika kuli Lesa nookumwebwa akwisushe na Mupashi wa Mushilo, walakwata ukwampana ukwashika na Lesa. Ukupwa ubu ubulwi bwaba mumutima (ubwaba kwati ninkondo yabena calo iyakulwishanya beka beka) nookulenga Mupashi aleteeka umwapwililika, eflyo Baibele ita ati ukuba uwakatina ukupwililika.

1. Nifinshi alandile kasesema Yelemiya uwa ku Cipingo cakale pashila iipya iyakwe Lesa iyakuboombela pabantu kuntanishi? (Jelemiya 31:33)

2. Buukombe nshi ubo Filipu aashimike kubena Samaria? (Imilimo 8:4-8, saana pamashiwi 5)

Nifinshi bacitilepo abasole ku Yerusalemu? (Imilimo 8:14-17)

3. Nifinshi Paulo aapepelelee abena Kristu baku Efeso? (Efeso 3:16, 19)

4. Yesu aebele abasambi bakwe ukusabankanya ubukombe bwakwe. Finshi aabeebele ukupekanya pakuti bengaboomba umulimo wiine? (Luka 24:48-49)

Nimunshila nshi aatwalilikepo ukulondolola ifyo Wishi aalaile? (Imilimo 1:4-5)

Nifinshi Mupashi aali nookubacitila? (Imilimo 1:8)

5. Nicinshi caalwile abena Kristu baku Kolinti mubwikalo bwabo? (1 Kolinti 6:9-11, saana amashiwi 11) _____

Ishiwi ati “ukuba uwakatiina” lilondolola amashiwi 11 ayaku Kolinti. Ilingi, yalalondololwa ati “kushila ukwakwambilapo.” Cintu nshi icalangile ati abena Kolinti baalingile ukukwata ukwampana ukwashika umupwilapo na Lesa? (1 Corinthians 3:1-3) _____

6. Nimunshila nshi iyo Lesa aleekweba ati wingile mukwampana nankwe umupwilapo? _____

7. Abantu abengi aba mu Cipingo Cipy a balalondololwa ati baali abaisula kuli Mupashi. Petelo ku Imilimo 4:8. Saulo (uwaishle itwa ati Paulo) ku Imilimo 9:17 na 13:9. Na Banaba ku 11:24. Kuti walondolola shani umuntu uwaisulwa kuli Mupashi? _____

8. Pambali yakuba “abaisula kuli Mupashi” nookuba “uwakatiina ukupwililika,” mashiwi nshi nayambi ayalondolola ukuba uwaituula umupwilapo noobwikalo ubwasangululwa?

- a. Mateo 5:8 _____
- b. 1 Yoani 4:17-18 _____
- c. Bahibulu 4:9-11 _____
- d. Bahibulu 6:1 _____
- e. Roma 6:18 _____
- f. Nilisa ishiwi pali aya ilileelanda kuli iwe namaka, elyo pantu shani? _____

9. Finshi ifyakusangamo mukuba “awaisula kuli Mupashi”?

- a. Imilimo 4:31-32 _____

- b. Imilimo 6:5, 8 na 7:55, 59-60 _____

- c. Roma 15:13 _____

10. Ku 1 Tesalonika 1:3-8, abacetekela baalitashiwa.
- a. Kufwaya nshi ukwali kwakwe Lesa pali bena? (1 Tesalonika 4:3, 7)

- b. Calolela mwisa ukukana cita ifyo babebela? (1 Tesalonika 4:8) _____

- c. Kanshi, nifinshi aalebapela Paulo? (1 Tesalonika 5:23-24) _____

- d. Ninani uupanga umuntu abe uwamushilo, elyo kuba ukwapwililika shani? (1 Tesalonika 5:23) _____
- e. Nifinshi ifyo Paulo asepela ukulunda pakushila? (1 Tesalonika 5:23)

- f. Kucetekela nshi walinga ukuba nako ati Lesa kuti acita ifyo walomba ati ube uwamushilo mubwikalo boobe umupwilapo? (1 Tesalonika 5:24) _____

11. Belenga Efeso 5:15-21.
- a. Mafunde nshi ao baeba abena Kristu kuno? _____

- b. Filya balaanda ku Efeso 5:18 ati "ukuba abaisula", bale eba ati nipali ino iine nshita, ekweba ati kulatwalilikapo ukulaaba abaisula. Kanshi calola mwisa kuli iwe mubwikalo boobe? _____

- c. Lintu uleekabila ukulaatwalilikapo ukulaaisula kuli Mupashi, kanshi Mupashi wiine akulakonkoloka shani kuli bambi? (1) Efeso 5:19 _____

(2) Efeso 5:20 _____

(3) Efeso 5:21 _____

12. Lintu Yesu aalandile pafyakupokelela Mupashi waMushilo ku Luka 11:13, aali beba ico balingile ukucita. Niciinshi? _____

13. Oswald Saunders afwile mu 1917 lintu aali nemyaka yamu ma 40. Epaaali pampela yamilimo yakwe. Nangu niifyo icitabo cakwe iceeshina ati *My Utmost for his Highest* (Ico nacincila Ukuipela pafyakwe Ifyasumbuka), ciitabo ico bashita abeengi saana. Lintu aali umwana munoono, Chambers aalipokelela Kristu. Lintu paapitile imyaka, uku alesambilisha pa Dunoon College, aumfwile F. B. Meyer alelaanda pafya Mupashi Wamushilo. Chambers aapele ubumbone ati:

Nshali necimonwa camulu nangula icabamalaika, tapali ico naakwete. Nalifye uwauma noowabulamo nangu cimo, ukwabula amaka nangula ukweuluka ati kwaaliba Lesa, ukwabula noobumbone bwakwe Mupashi waMushilo. Elyo baalinjebele ukushimika kukulongana kwakonkelepo, elyo kwaishile moneka abantu 40 abaishile iminina kuntanshi. Bushe naliitasha Lesa? Iyo, nalipuminwe ku munsokwe nookubasha kubaboomfi, nookuya kuli baMacGregor (umunandi) nookumwebako icamoneeke, elyo aalandile ati: “Bushe tawibukishe ifyo wapokelele Mupashi waMushilo ukuba icabupe peshiwi lyakwa Yesu, neefyo aalandile umwine Yesu ati: ‘Mukapokelela amaka . . .’? Eemaka yakumulu aya.” Apo pene kwati kusaama, kwali icamoneeke muli ine, nookumona ati kanshi amaka nalekabila ukulwata yaali mukuboko kwandi pakuti naande ati—Moneni ico nkware mulandu wakubika fyonse pabulambo.

Nga ilya imyaka iine iyapitile yaali ngo kuba mumulilo uwa pe, ninshi iyi imyaka isano ndimo yili ngo kuba mumulu uku ndi pesonde. Natulumbe Lesa mu mulu, pantu icilindi chamumutima wabantu icakupelelako naacisula nookufumfumuka neecitemwiko chakwe Lesa. Icitemwiko ekwamba, icitemwiko epakati, elyo icitemwiko empela. Ukufuma pakwingila kwakwe, fyoonse ifyo uleemona ni “Yesu fye eka, Yesu fye lyoonse.”

Lilya waishiba fintu Lesa akucitila, amaka noobufuma bwabubifi pali iwe fypawa, elyo kwaisha ukusanika nookulubulwa ifyakuli Kristu lintu eshile mukwikala muli iwe, elyo lilya uleemona abaume nabanakashishi abalinga

ukuba abana bamfumu muli Lesa, bali abakakwa kufintu ifyakuyumfwa—
yangu, waambako ukukulondolokela fintu Umusole alandile lintu aebele
ati nga ena eo uwatipwa ukufuma kuli Kristu pakuti abantu bengapusuka!

Te cakupapa ifi ndelanda sana pakuba uwaaluka mumitontonkanyo.
Lesa ewangalula; Eko naali lintu aacitile fyo.

(Raymond Edman, *They Found the Secret* (Balisanga Inkama),
Grand Rapids: Zondervan Publishing House, 1980.)

14. Watontonkanyapo shani pali ubu ubumbone? _____

Uko takwali kusansamuka iyo! Kuti waba uwaisula na Mupashi waMushilo.
Kuti waba uwakatiina ukupwililika. Ifyakuba uwaisula na Mupashi emutwe
wesambililo ilikonkelepo.

Amashiwi Ayakusunga Kumutwe

Mwiba bacakolwa wa bwalwa, pantu bukamonaufaye. Leken
Mupashi eo esule mu mitima yenu. (Efeso 5:18).

Ifyakuba uwaisula na Mupashi — ukuba uwakatiina ukupwililika

Nomba ifi fyakulondolokela ifyo Amalembo Yamushilo yasambilisha, limbi kuti uleekabila ukuba uwaisula na Mupashi nookuba uwa mushilo umupwilapo. Baibele yaalilondolola ifyo cimoneka.

1. Mulimo nshi uulenga ube wakatiina nangula uwamushilo?
 - a. Bahibulu 10:10-14 _____

 - b. Bahibulu 13:12 _____

 2. Yoani 12:24-25 cimpashanya cabwikalo bwabwina Kristu. Fintu nshi ifyalinga “ukuponya panshi nookufwa” mubwikalo boobe pakuti ube uwaitula umupwilapo bakuboomfye kuli Lesa? _____

 3. Belenga 1 Yoani 1:7.
 - a. Nifinshi ukusangululwa nangula ukubutisha? _____
 - b. Kububifi buunga? _____
 - c. Kubala waba shani nelyo benga kuwamya? _____

 - d. Calola mwisa kuli iwe “ukwenda mulubuto” nangula ukulaikala mulubuto? _____

 4. Ninani uwalinga ukupokelela Mupashu umupwilamo nookuba ukwakatiina ukupwililika? (Imilimo 5:32) _____

 5. Buupe nshi ubo Yesu aebele abasambi bakwe ati balindile ku Imilimo 1:4-5? _____

 6. Nifinshi ifyo Yesu aebele abasambi bakwe pakupepa ati bapokelele Mupashi waMushilo? (Lukea 11:9-13) _____

 7. Belenga Roma 12:1-2. Nifinshi balinga ukucita aba bamunyina (abamulupwa lwakwe Lesa) nemibili yaabo? _____

- Kuti calola mwisa kuli iwe “ukutuula umubili oobe ukuba ilambo . . . kuli Lesa”? _____

8. Lilya abasambi baba abaisula na Mupashi, papita inshita yinga?
 - a. Imilimo 2:4 _____
 - b. Imilimo 8:15-17 _____

9. Ninani uulenga ube uwakatiina? (1 Tesalonika 5:23) _____

10. Upokelela shani Mupashi umupwilapo nookuba uwakatiina ukupwililika? (Galatia 3:14) _____

11. Paapitile umwaka uutuntulu uwansambu ikalamba ukufuma apo Stanely Jones aalwike. Elyo aishile sanga ati kwali ubukali ububi saana, nookulaakutumana, noobulwi ubwashika ifya ambile ukwima pakufuma kuntu fyafisama mubwikalo bwakwe. Muli fyoonse ifyabwikalo, aleecimfya, lelo ifi efyalemufulunganya. Aaleembele ati:

Naali mubwafya. Naali uwakakwa mubulwi ubwamumutima. Elyo kwaishile isuka iciibi icakumfumya mubulwi bwiine, caiswike ukupitila mucitabo. Lintu naafumishe nookusenda cilya citabo muḡanda yafitabo, naumfwile kwati intanshi yandi iyi mukucisenda. Naumfwile kwati ndetutuma nako, ukututuma ukwesubilo. Naambile ukubelenga icitabo ati The Christian's Secret of a Happy Life (Inkama ya Nsansa iya Mwina Kristu), ico baleembele kuli baHanna Whitall Smith, abaali abesumino lyaba Quaker. Icitabo caleelaanda pafyo umuntu mubuumi bwakwe boonse engacimfya umupwilapo. Umutima wandi waliima pakutemwa saana lintu naleebelenga. Nshalebelengafye iyo. Nalelya cilia icitabo. Lintu nafikile pebuula lyamakumi yane, Lesa aalilanda kuli ine ati: "nomba enshita yakusanga ino." . . . Nali esha ukutwalilikapo ukubelenga, lelo amashiwi yaleefulungana. . . . Nalikupika icitabo, nookuponena pamakufi kumbali yabusashi bwandi, nookulaanda ati: "Nomba mwemfumu ninshi ndingile ukucita?" Elyo aaswike ati: "Bushe walaampela fyoonse ifyoobe?" Nabalile ukutangalikako pakashita akanoono elyo naaswika ati: "E mukwai, mwemfumu, ndecita ifyo fine. Nalaamipeela fyoonse ifyandi, fyoonse ifyo naishiba, nafyoonse ifyo nshaishiba." Elyo aaswike ati: "Nga nifyo, kanshi poka fyoonse ifyandi, poka Mupashi waMushilo." Naliikutumanako panoono: nati, ine mmupele fyoonse ifyandi elyo ena ampeelee fyoonse ifyakwe; fyoonse ifyandi nine, elyo fyoonse ifyakwe ni ena, Mupashi waMushilo wine. Apo pene kwati kusaama, naliimona ico aleempela. Bwangu bwangu naaswike ati: "Nalapoka Mupashi waMushilo." Naliimine ukufuma palya nafukamine ukwabula ukumonapo cimo, kanofye Ishiwi lyakwe fye. Nashintililefye pakulaya kwakwe fye mwiShiwi lyakwe lintu naafumine. Ukuba kwakwe kwaali mwiShiwi lilya. . . . Nalyendawike mulya muḡanda uku ndepituluka mukupokelela kwandi. Ukutwishika kwali ambako ukunshinguluka. Naacitile fintu Abrahamu aacitile lintu ifyuni fyaishile mukupasa ilambo lyakwe—aliifitamfya. Nale endauka mulya muḡanda nookulasunka ukutwishika kwandi naamaboko. Palya pene nali uwaisula—ukwisula na Mupashi wa Mushilo. Naumfwile kwati Mupashi wa Mushilo aleebwekeshapo ukulaapita muli ine kwati mulilo uulensangululwa. Nakwatilefye ukuilaenda uku imonsonsi shansansa shileepona pamatobo. Tapaali ico nakwete ukucita kanofye ukutasha wene—Nali ishiba nati uku takwali ukumfwafye bwino ukwaleepita; Mupashi

wamushilo aali isa mukwikala muli ine pe na pe.

(E. Stanley Jones, *A Song of Ascents* (Ulwimbo Ulwakuniina), Nashville: Abingdon Press, 1968.)

Watontonkanyapo shani pali ubu ubumbone? _____

12. Muli ili isambililo limbi naumonamo ati muli ukubweluluka pakulanda ifyabalya abaleeba abakatiina nangula ukuba abaisula na Mupashi:

- a. Ukubiikako amano. Imilimo 1:12-14 na Luka 11:9-10, 13 (ilipusho 6)
- b. Ukusangululwa. 1 Yoani 1:7 (ilipusho 3)
- c. Umushilo. Roma 6:13 na Roma 12:1-2 (ilipusho 7-8)
- d. Ukuyebelela. Imilimo 26:18 na Galatia 3:14 (ilipusho 11)

Lemba ipepo ilyakulomba ukwisushiwa na Mupashi mubuumi boobe nangula ipepo ilyakutota pakukwisusha na Mupashi. _____

Cinshi ico Lesa aakucitila? _____

Tasha Lesa pali ico aakucitila!

Lilya waba uwaisula na Mupashi (nangula ukuba uwakatiina ukupwililika), cikankala ukutwalilikapo mukwampana kwine. Kanshi umwina Kristu alinga ukulaenda muli Mupashi nangula ukulaaba muli Mupashi. Ukwampana kwine ukwakumfwisha insansa, efyakulandapo ifili mwisambililo ilikonkelepo.

Amashiwi Ayakusunga Kumutwe

Lesamutende umwine amuwamye umupwilapo mu nshila shonse. Alemusunga ababula icilubo ku mipashi yenu, ku myeo yenu na ku mibili yenu mpaka Imfumu yesu Yesu Kristu ikabwele. Lesa uwamwita tafutuka, no kucita akacicita. (1 Tesalonika 5:23-24).

Lilya umuntu aba uwaisula na Mupashi, epatampa ubwikalo ubupya. Te mpela yakuba kwamuntu, lelo ekwamba kwakuishintilila pali Mushilo umwansansa cila nshita. Galatia 5:25 itila ati ekuba “ukwenda pamo na Mupashi”, na Roma ilumbula balya “abashenda mubuntunse, lelo muli Mupashi.”

1. Belenga Kolose 1:21–23.

- a. Nifinshi ifyo imfwa yakwe Kristu yapeele abena Kolose? _____
- b. Lesa kuti abalubula shani? _____
- c. Cinshi baalinga ukucita? (1:23) _____

2. Nifinshi ifyo Roma 12:2 itweba ukulaacita lyoonse? _____

Ninshila nshi shimo isho waaba uwa alulwa pakupanga imitontokanyo yoobe ibe iipya? _____

3. Mu 1 Tesalonika 5:23. Paulo aleepa Lesa ati alenge ube uwakatiina ukupwililika. Nifinshi fingalaamoneka nookutwalilikapo? _____

Ninani uubaka nangula ukusunga? (1 Tesalonika 5:24) _____

Ninshila nshi shimo isho Lesa asungilamo abantu bakwe? _____

4. Mashiwi nshi mu Galatia ayalanga ukwampana ukutwalilikapo na Mupashi?

a. Galatia 5:16-18 _____

b. Galatia 5:25 _____

Nilisa ishiwi ililondolweke saana kuli iwe, elyo pantu shani? _____

5. Belenga Roma 8:1-4, 8-9.

a. Cinshi ico mupashi aacitiile Paulo? (amashiwi 2, “ukukakula” kulanga ati icintu icacitiike panshita imo.) _____

b. Cinshi calinga ukucita pakuti amafunde engafikilishiwa muli ifwe? (Roma 8:4) _____

c. Ninani uukusunga pakuti ukane ukukuboomfya kukuba kwa bubifi (nangula “kumubili”)? (Roma 8:8-9) _____

d. Nifinshi fimo ifyamicitile ifingalenga ubwikalo boobe bube ubwakukuboomfya kuli Mupashi?

(1) _____

(2) _____

(3) _____

6. Nifinshi ifyo Mupashi engakucitila ukulunda pukukwisusha?

a. Imilimo 1:8 _____

b. Imilimo 9:31 _____

c. Imilimo 13:4 _____

d. Imilimo 20:28 _____

e. Roma 8:14 _____

f. Roma 8:26 _____

Cintu nshi cimo ico Mupashi waMushilo aakucitila ukufuma palya waali uwaisula? _____

7. Ukulingana na 1 Yoani 2:1–2, ububifi tabwalinga ukuba mubwikalo bwa mwina Kristu; nomba ngacamoneka ati wacita ububifi, cinshi walinga ukucita? _____

Bulayo nshi ubwakutwalilikapo ukusangululwa ubwaba ku 1 Yoani 1:7? _____

Calolamwisakuliwe “ukwendamulubuto” nangula ukula ikalamulubuto? _____

8. Mu Imilimo 2:4 na Imilimo 4:31 abantu palaba abaisula na Mupashi. Nilisa wafwailepo ukukwisusha nakambi kuli Mupashi? _____

9. Ukufuma pakukwisusha na Mupashi nookulenga ube uwakatiina ukupwililika, kano uleetwalilikapo ukwampana na Lesa pakulaenda muli Mupashi cila bushiku. Nga kwamoneka icakulufyanya ukwampana na Lesa, calinga ukabile ukukubwesha (1 Yoani 2:1). Ubwikalo bwakwe Hudson Taylor, uwali mishioni mukalamba uwaambile China Inland Mission, ewakumwenapo. Lintu line aishile ba umwina Kristu pamyaka 17, aliiba uwakatiina. Lelo, pakwikala imyaka iyafula mumilimo iyabu mishion, aishile ba uwasakamana. Lintu papitile imyaka, alilemba ati:

Nindeka mpilibule amashiwi ya Mupusushi. Amashiwi taya eba ati “uuli oonse uunwine”, lelo yeeba ati “uuli oonse uukalaanwa” [Yoani 4:14]. Te kunwafwe limo aebele, nangula iliingi, lelo kulanwa icakubelesha mubuumi. Muli Yoani 6:35, namo, ukulondoloka ukwapwalilika kwaba ati, “uwakulaisa kuli ine takulaaba nensala, noowakulaancetekela takulaaumfwa icilaka.”

. . . camoneka kuli ine kwati apo tulufyanya fwebengi nipakulanda ifyakunwa twanwine kale, lintu icilaka ciletwalilikapo ino nshita. Ico tulingile ukulaacita kulaanwa— eifyo, nookulaatotela pali cila nshita iingalenga tunwe saana amensi yabuumi.

(Howard Taylor, *Hudson Taylor's Spiritual Secret* (Inkama Iyakwe Hudson Taylor iyamuMupashi), Chicago, Moody Bible Institute, tapaaba bushiku).

Lisambililo nshi usambiliileko kuli ubu ubumbone? _____

-
10. Fintu nshi fitatu ifyo walinga ukucita pakuti wingenda muli Mupashi?
- a. _____
 - b. _____
 - c. _____

Ubwikalo bwamwina Kristu ubwaisula na Mupashi nookulaenda muli Mupashi bwalinga ukweuluka ifikanya imilimo ya Mupashi. Kwaaba ifinti fimo ifyo basunga ifyakucita kumulu. Ifyo ifikaanya efili mwisambililo ilikonkelepo.

Amashiwi Ayakusunga Kumutwe

Ni pakuti ifintu ifyalungama ifyo Amafunde yakwa Mose yafwaya fifikilishiwe muli ifwe, ico tuletungululwa na Mupashi Wamushilo, tatuletungululwa no buntunse bwesu iyoo. (Roma 8:4).

Ubwikalo bwamwina Kristu ubwaisula na Mupashi nookulaenda muli Mupashi kuti buleeba ubusuma ubwansansa mukucimfya ifyamumuipashi. Nangu niifyo kwaliba ifikaanya pali ifyo Lesa acitila umwina Kristu mubwikalo bwakwe. Taulingile ukuba nesubilo ati Lesa kuti acita ukupula pali filya alaaya.

1. Belenga Roma 8:2, 18-27.

a. Nifinshi ifyo Mupashi acitiile Paulo, ukulingana na 8:2? _____

b. Nga ukuba kwacalo shino nshiku, cili shani kubena Kristu?

(1) amashiwi 18 _____

(2) amashiwi 20 _____

(3) amashiwi 22 _____

c. Nangu Mupashi aalitukakula ukufuma kwifunde lya ububifi nemfwa, lelo tucili tuleikala mucalo icamacushi. Ninshi engatucitila Mupashi liya twingaba mukweshiwa? (8:26) _____

2. Bushe Lesa aaboomfweshe shani ubunake mubwikalo bwakwe Paulo? (2 Kolinti 12:9) _____

3. Nangu Yesu aali uwanakila Lesa ukupwilamo nookukana ba noobubifi (1 Petelo 2:21-22), lelo aliipita mufyakumukanya, ubwafya, ukucenwa, nookucula pakuba umuntu. Fimo fyali nifinshi?

a. Mateo 13:57 _____

b. Mateo 26:38-40 _____

c. Luka 4:1-2 _____

d. Luka 19:45 _____

e. Yoani 11:35 _____

f. Finshi wapitamo ifyakosa lelo fyendela pamo nokuba nga Kristu?

4. Belenga Bahibulu 4:15.

a. Ukweshiwa kwakwe Yesu kwafikile pesa? _____

b. Ninshi acitilepo? _____

c. Kuupusana nshi kwaba mukweshiwa noobubifi? _____

5. Bulayo nshi ubo Lesa alaya iwe nga waeshiwa? (1 Kolinti 10:13)

6. Umwina Kristu kuti aishiba shani apapusanina icalungama neecalubana?

a. 1 Yoani 2:6 _____

b. Efeso 5:10 _____

7. Ico twingacita pafyakumfwa kumubili ifili nga umwenso, kuti fyaba fyabubifi nangula fyabuntu nse. Belenga ifyapali ishi ncende shibili uko Petelo aumfwile umwenso. Niciisa ico aacitile icali bubifi elyo niciisa naco icali ubuntu nse? Mulandu nshi? (Mako 14:66-71 na Imilimo 4:29-31)

8. Paulo aali shani kumupashi? (Imilimo 13:9) _____

Bulwi nshi nangula ubwafya nshi aapitilemo ku Efeso 6:12? _____

Mu Kolinti 11:28? _____

Bulwi nshi nangula fisendo nshi ifyo wamonapo abena Kristu abaisula na Mupashi baleepitamo? _____

9. Nifinshi ifyo Yesu aeba abasambi bwakwe mu Mateo 5:48? _____

Ukulingana na Mateo 5:43-47, ciipandwa nshi nangula ciinshi icamubwikalo boobe ifyalinga ukuba “bwino ukucilamo”? (“Bwino ukucilamo”ekwebaatiukulaacitafyoonseifyalingaicoicintubaacipangiile).

Nga uku ukukomaila pacitemwiko, calangwa shani ku Mateo 22:37-40?

Ninshila nshi iyawama saana iyakutamfishamo umwenso wakupingulwa? (1 Yoani 4:17-18)

Icitemwiko caatula kwisa? (Galatia 5:22)

Ninshi cicita icitemwiko? (Roma 13:9-10)

10. Lilya waba uwaisula na Mupashi nookukupanga ube uwashila, niinshi Lesa aakabila kuli iwe?

a. Kolose 1:22-23

b. Galatia 5:25

c. Filipi 4:8

11. Finshi ifyakusangilamo mukucula, mukweshiwa namumacushi? (Roma 5:3-5)
-

12. Finshi tukwatile isubilo ati tukafisanga mumulu?(1 Yoani 3:2)
-

Niinshi tulingile ukulaacita pano ino iine nshita pakupekanya ifyakunshita ilya ikesa? (1 Yoani 3:3)

13. Bwafya nsi ubo umulu ukalungika? (Ubusokololo 21:4)
-

Nibaani abo balaya ifi? (Ubusokololo 21:7)

14. Umwina Kristu uwaisula na Mupashi akulaapita mumafya, mukweshiwa namubulwi. Icitabo cimo icapabena Kristu icakwata amaka pabena Kristu pesonde elyo beta ati *The Christian's Secret of a Happy Life* (Inkama lyansansa iya Mwina Kristu), ico balembale kuli ba Hannah Whitall Smith. Alisanga ukulondoloka kwamashiwi ayakweba ati ubulwi bwaaba bwa Mfumu:

Napilibwike mu 1856 lintu nafikile imyaka amakumi yabili namutanda. Lintu inshiku shaleepita, paluse lwamfumu yalintungulula mukwishiwa ifingi ifyaciine. Lelo nshatekele umutima wandi. Kumpela yamyaka cine konse konse mubwikalo bwandi ubwa

bwina Kristu, naali uwapatikishiwa ukuyebelela ati nshakwete maka ayakukanya ububifi ukucila panshita ilya naalwike.

Naambile ukulakabila ukulaaba neka. Naambile ukujonta pakufina kwabubifi naalimo. Naali uwasumina ukupwililika ati tapali ifyo ningacita, nangula ifyakulaya ukucita nangula amapepo ifingakwata amaka, elyo pakuba noobulubi ubwakukana ishiba inshila shimbi, naali apekti nookuilekesha nnenuke.

Pali iyi nshita iyo nalekabila abakungafwilisha (1863) Lesa alileeta bambi abapitile mufingi ifyapusene kufyandi. Banjebele ati balisanga “inshila iyabushilo” umo abantu abalubulwa bengekala nookulaenda mumutende uushipwa, umo bengabapanga babe “abakucimfya ukucilapo” ukupitila mu Mfumu Yesu Kristu.

Nalibeepwishe inkama yaabo elyo baliinjaswike ati, “Caba fye ukuleka ukulaaboomfya amaka yoobe wemwine nookulacetekela Imfumu ikupange ube uwashila.”

“Nshakatale laba ukupapa napapile pali ubu ubwasuko. . .

Nga filya buba ubusokololo, ifingacitwa ifisuma mubwikalo bwauyu musango fyalisaama mumatontonkanyo, lelo fyaali ifipya nookumpesha amano. Ine naletontonkanyafye ifyamafunde pafyabwikalo. Nshatala cetekela Imfumu pafyabwikalo, elyo nshishibe ifyakucita. . . . Naambile ukulaabelenga Amalembo yamushilo cipya cipya. Nasangile ati ubupusushi afwilile pakuti enga poka, baalibulisha ukuba ubusuma ukucilamo. . . . Nasangile ati ali itula umwine kuli ine ukuba ubumi bwandi, elyo aleekabila ukwingila mumutima wandi nookuba namaka pali fyoonse ifyabamo nookunasha fyoonse kuli wene. Aali ilanga umwine kuli ine ukuba umusuma umwacilamo, nookupwililika elyo Umupusushi uwakubako lyoonse., elyo naishile ituula nemwine kukunsunga kuli ena; caali kwati naliiposa pali wene, kwati kuiposa muli bamba wacitemwiko cakwe, pakuti fyoonse ifi ifintu fingafikilishiwa muli ine mukuboomba kwamaka yakwe. Naliisumina iciine icakweba ati ena ekuba kwandi uwakatiina nookuba uwakaele, elyo noobumi bwandi bwalisanga ukutusha, ukutusha uko tapali amashiwi ayengalondolola—ukutusha kukulwisha nefyamafunde, ukutusha kukunaka ukwisa pabulwi, ukutusha kububi bwakufilwa. Inkama yakuba uwamushilo balinsokolwelayo, elyo inkama aali ni Kristu. Ubumi bwandi balibwingisha mukutusha kwamukati, nangula ati “ukulaibukisha ubushiku bwe Sabata” ubo Umusole Paulo alandilepo ku Bahibulu 4:9 ati “kwashalilafye abantu bakwa Lesa.” Te kweba ati takwakulaaba ukulwisha; lelo ukulwa te kwandi, kwakwe Yesu.

Inshita yakukale iyamubwina Kristu bwandi kumoneka ukwaonaika. Ine nali umwana wakwe Lesa, lelo naali kafupi, noomubili wandi uushakwete maka. Lintu iyi nkama iyacitetekelo baisokolwele kuli ine, nali ambako ukukula; nookuitula ukwali ukwa afya kuli ine kwaalwike ukuba ninsansa saana mumutima wandi.

Ukusumina, ukutuusha, ukwikala, ukunakila—ifi efili mukuba kwandi; ena eucita fyoonse. Ukulepa kwacitemwiko mumulu nangula ukushika kwakuntemwa pakundela, nangula icitemwiko icibako pakunkanda, ukukula kwabako pakunsunga, ifintu ifyakupapusha ifilesokoloka, amaka ayalemoneka mukunaka; ukukoselesha pabulanda, ulubuto mumfimi, nookulansendelako ifisendo; ni Lesa uwakupapusha, noo Mupusushi, tapali amashiwi ayengalondolola!

(J. Sidlow Baxter, *His Deeper Work in Us* (Imilimo Yakawe Iyashika Muli Ifwe), Grand Rapids: Zondervan Publishing House, 1967.) 81–82.

15. Pituluka mubwikalo boobe.

- a. Fiipandwa nshi ifyamubwikalo boobe ifyaba namafrica ifingaba bubi kuli Lesa ukufifumyamo? _____

- b. Ciipandwa nshi ico walinga ukukanda? _____

- c. Ciipandwa nshi ico wingamona ati calinga Lesa akupele ukucimfya? _____

- d. Nintampulo nshi ulingile ukucita pakuti ucimfye? _____

Umwina Kristu uwaisula kuti aibimba mufyabwikalo namano. Nangu lesa tafumya amafya yoonse, kwaliba inshila ishamaka isho Lesa aboomba mubwikalo boobe. Shimo eshili mwisambililo ilikonkelepo.

Amashiwi Ayakusunga Kumutwe

Lelo Imfumu yanjawike aiti, “Ala icikuuku nakukwatila eco ulekabila, pantu amaka yandi yamonekesha bwino ilyo uli mu bunasha.” Kanshi nakulasansamuka nganshi no kuitakisha mu bunasha bwandi, epakuti amaka yakwa Kristu yekalilile muli ine (2 Kolinti 12:9).

Kwaliba ifingi ifyakusangilapo ifyo Mupashi waMushilo engacita nookuleta mubwikalo boobe nga wamulomba. Caalikulinga ubale ukwikala pesonde apaisula amafya—lelo Mupashi wa mushilo wine uuleta umutende nookubuta kumutima euboomba ifyamapalo ukupitila muli iwe munshila ishamaka.

1. Moneni amashiwi ayakonkelepo ayalandile pabamushilo ku Imilimo. Landa ico Mupashi aacitile ukupitila muli bena.
 - a. Muli Petelo (Imilimo 4:8) _____
Ukupitila muli Petelo (Imilimo 4:9–12) _____
 - b. Muli Stefani (Imilimo 7:55) _____
Ukupitila muli Stefani (Imilimo 7:59–60) _____
 - c. Muli Banaba (Imilimo 11:24) _____
Ukupitila muli Banaba (Imilimo 11:24) _____
 - d. Muli Paulo (Imilimo 13:9) _____
Ukupitila muli Paulo (Imilimo 13:10–12) _____
2. Natulolesha pali Filipu, uo twingalondolola ati umo uo basalile ukuba pebumba ilyakwambilapo ilyabakangalila balukuta.
 - a. Mulimo nshi uwali wakwe Filipu mu Lukuta? (Imilimo 6:1–5) _____

 - b. Nikuli ani ayile shimika, elyo ninshi ubumbone bwabeleele ubwacindama? (Imilimo 8:26–27) _____

 - c. Filipu aali shani uwakumfwila kuli Mupashi waMushilo? (Imilimo 8:29–30) _____

 - d. Ninkama nshi iyamaka yakwe Filipu nookuba umuboomfi uwakufikilisha? (Imilimo 6:3 na 5) _____

3. Lintu Kristu aitulile umwine “atulubule ku bubi bwesu bonse, tube abakaele. Epakuti tubefye abantu bakwe, abasakamana ukucita ifisuma,” cinshi caali kumano yakwe pali aba bantu abakalenga abapesonde bakeshibe? (Tito 2:14) _____

4. Maka nshi yamoneke mubalanda ukukonka paluse lwa basambi ku Imilimo 4:31-35 abaali abaisula naMupashi? _____

5. Londolola lintu wamwenepo umwina Kristu uwaisula na Mupashi aleecitako fimo ifyaleefwaikwa. _____

6. Amaka yacitemwiko nookusanga insansa mubwafya yamonekela mubwikalo bwabantu abasumina abali nga Stefani mu Imilimo 7:55-60 na Paulo na Silasi mu Imilimo 16:25. Nga imibeele yacitemwiko nensansa yifuma kwisa? (Galatians 5:22) _____

7. Nimunshila nshi umo Lesa aleefwaya ati umuboombele? (Luka 1:74-75) _____

8. Tontontokanya pabantu abakaele abacitila Lesa ifintu ifyaibela.
- a. Nikwisa uko abantu basanga amano ayakuboombela Lesa ifintu ifyaibela? (1 Kolinti 12:4-6) _____

- b. Cinshi chalinga ukutungulula umuntu pakuboomfya cila icabupe? (1 Kolinti 12:7) _____

- c. Belenga umutantiko wafintu ifyabupe, neefyamano ayakucita ifintu, neefyaluse muli aya amashiwi ayakonkelepo elyo mulembeko icabupe cimo ukufuma kuli cila umutantiko.
(1) 1 Kolinti 12:8-11 _____
(2) Roma 12:6-8 _____
(3) Efeso 4:11-12 _____
(4) 1 Petelo 4:9-11 _____
- d. Bupe nshi uletontontokanya ati Lesa aalukupela, elyo ububoomfya shani pakulenga ififwaikwa kuntanshi fimoneke? _____

9. Nikwisa uko Lesa akupeela amaka yakwe? (Efeso 3:16) _____

10. Paulo aaishibe shani ukwakuya mukuboombela incito yakwe? (Imilimo 13:2 na 16:7) _____

11. Mulimo nshi uwamoneeke kwati teti bauboombe uo Kristu aapele abasambi bakwe? (Mateo 28:19–20 na Luka 24:46–48) _____
- _____
- a. Cinshi ico balingile ukukwata nga baali nookufikilisha uyu umulimo? (Luka 24:49) _____
- _____
- b. Ninshi balingile ukucita pakuti bengafikilisha? (Imilimo 1:8) _____
- _____
- c. Nga Lesa aafikilishe shani fintu alaile? 1:8? (Imilimo 2:4–12) _____
- _____
- d. Petelo nabasambi baali abaisula na Mupashi. Cinshi camoneeke ku imilimo 2:41 lintu baashimiike nookulanda ubumbone? _____
- _____
- e. Landako ifya nshita lintu Mupashi akwafwilisheko ukulanda ubumbone. _____
- _____
12. Bushe kuliko icintu icileekanya imilimo yakwe Lesa mubwikalo boobe? _____
- _____
13. Samuel Logan Brengle aali kapitao mucilonganino ca Salvation Army. Ifitabo fyakwe ukucila umuntapendwa umo fyalipalwa abengi pesonde. Icipandwa cabukombe bwakwe ici:
- Pabushiku bwa 9 January 1885, panshita ya cine lubali akacelo, Lesa alilenga naaba uwakatiina mubuumi bwandi. Naali muciputulwa candi icananda pali ilya nshita, lelo pakashita akanoono fye, nalifumine nookukumana umwaume umo uo naebele fintu Lesa ancitiile. Akacelo kakonkelepo, nalikumana umunandi naumbi pamusebo nokumwebako uyu umulumbe uwapalwa. Aalipunda nookutasha Lesa nookunkoselesha ati nshimike ifyakupusuka nookulalanda ubumbone konse konse. Lesa alimuboomfya ukunkoselesha nookungafwilisha. Eico umulungu wakonkelepo, naalishimika bwino namaka ifyakupusuka ukulingana nefyo naali, nookulekelesha pakushimika ubumbone bwandi.
- Les aalipaala ishiwi lyakwe mubengi, lelo ine namwene ati nine apalile nalyo. Bulya ubumbone bwalengele njishibikwe. Ifyakunuma mubwikalo bwandi naliifisha. Nomba kwali ifyalo fitatu ifyaleendolesha ati niulya uulanda ati Lesa namupeele umutima uwasamba. Takwali kubwelela

panuma nomba. Nalingile ukuya fye kuntanshi. Lesa aalimbwene ati icaali kumutima kuuba muli bucine mpaka neemfwa. Eico lintu mwapitile inshiku shibili ukufuma palya, pakubukafye pabulili ninshi ndebelenga amashiwi yamo ayakwe Yesu, aalimpala icakuti nshatala tontonkanyapo nati kuti kwaba umuntu uwinga palwa ifi kuno kumbali ya Mulu. Caali citemwiko camumulu icaishile mumutima wandi. Naile ku Boston Common lintu nshilalya ifyakulya fyalucelo uku ndelila nensansa nookutasha Lesa. Naali necitemwiko! Pali ilya ine nshita, nali ishiba Yesu icakuti naumfwile kwati umutima wandi uleelepuka kucitemwiko. Natemenwe ifyuuni, natemenwe imbwa, natemenwe bakabalwe, natemenwe utubana tunoono utwaleangala pamusebo, natemenwe abantu abo nshaishiibe baleepitafye, natemenwe abashaishiba Lesa—natemenwe abapesonde boonse.

Bushe ulefwaya wishibe umwalola ukuba uwamushilo? Kukwata icitemwiko icaobelwa. Bushe ulefwaya wishibe ukubatishiwa kwakwe Mupashi wa mushilo? Te matontonkanyo fye. Te kumfwa bwino nensansa iyipita pabushiku bumo. Kubatishiwa icacitemwiko icilenga cila itontonkanyo likakwe nookuba mubusha bwakwe Imfumu Yesu (2 Kolinti 10:5); icifumya umwenso oonse (1 Yoani 4:18); icooa ukutwishika nookukana sumina ngafilya umulilo woca ifyakwashiako umulilo; icilenga umuntu abe “uwamutembo, nookufuuka mumutima” (Mateo 11:29); icilenga umuntu apate ifiko, ubufi, nookubeepa, ululimi ulusembeleka, noobubifi boonse ukufipata ukupwililika; cilenga Umulu nakumulilo uwa Pe kube ukwaciine; icilenga umuntu abe uwamutekatima, uwamutembo kubashakwata mucinshi nababifi; icilenga umuntu abe “uwapwililika, . . . uwacibote, uwamutembo no bufuke. Elyo kabili uwakwatisha uluse, acitafye ifisuma. Taaba na mucishacinani, aba pa cishinka,” (Yakobo 3:17); icilenga umuntu abe pamo neMfumu Yesu Kristu mukupwililika pakuba kwakwe mukucula kwakwe nookuboomba mukuleta abaluuba nabacisanguka abapesonde kuli Lesa.

Lesu ewancitiile fyoonse, ishina lyakwe licindikwe!

(Samuel Brengle, *Helps to Holiness* (Ifyakwafwilisha Ukutungululula Kukuba Uwamushilo), London: Salvationist Publishing and Supplies, Ltd., 1955.)

14. Tontonkanyapo ifingamoneka! Nifinshi ifyo Mupashi waMushilo engacita ukupitila muli iwe? _____

Kuti waba uwaisula naMupashi nookuba uwakatiina ukupwililika. Bushe walibapo? Kuti waba nookulaenda muMupashi cila nshita. Bushe efyo uli? Mupashi waMushilo kuti aacita ifintu ifyaluse ukupitila muli iwe. Bushe efyo aleecita? We Mfumu, panshiku shileisa kuntanshi, ndefwaya mpite mubulendo ubwa kumboomfya kuli lwe mubuumi bwandi.

Amashiwi Ayakusunga Kumutwe

Malaika alinjebele ukuya fisha “ili ishiwi lyakwa Yawe kuli Serubabeli ilyakuti, ‘Te ku maka nangu ku bulamba cikacitika iyoo, lelo ni ku Mupashi wandi.’ Efyasosa Yawe umwine wa fita” (Sakaria 4:6).